

輕節義為重婦女各宜入井次女適韓嗣宗者入井死一時婦女死者甚衆賊憾大呼者鋒刃亂下

遂殞

李廷實

富平人事親孝又讓產于弟當曾尚書督陝學時旌其門

張繩祖

涇陽人太學生以經術舉富而好禮樂善博施

王肅

富平人歲荒輸粟千石賑濟旌表其門

班盡心

富平人以千金修學又以千金豎石橋在金屏門外

周肅

魏廣

俱富平人歲荒各輸粟五百石賑濟以散官榮身

張彥山

仇同

俱富平人賣菜養親嘗以菜易餅魚悅親口體與妻常甘糟糠

仇養蒙

富平人遇荒負粟耀州以養親與妻趙氏共餓糟糠母病痢躬侍湯藥衣不解帶父

病足癰輒吮膿血親歿負土築墳廬墓六年葷酒

不茹年既八十詣親墓洒泣若孺子然其天性篤

孝如此勅

賜旌表